



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismus  
Catholicus, summam Christianæ institutionis III. libris  
succinctim complectens**

**Klinge, Konrad**

**Coloniae, 1570**

**VD16 K 1309**

caput XXVI.

**urn:nbn:de:hbz:466:1-29452**

sæpè dicit, timore Christi, charitate Christi, &c. Hoc vult, quòd Deus Christus ppter semetipsum diligatur & timeatur potiùs, quàm propter cœlum aut infernum, vt ipse nobis plus sit quàm eius dona.

CAPVT XXVI. ARGUMENTA.

1. *Quare Christus post resurrectionem tam sæpe salutatur Apostolos pace, & optat illis.*
2. *Quibus modis & vijs Christus sit pax nostra, quando in pressura mundi viuimus.*
3. *Quòd hæc pax conscientie ad carnem non est trahenda.*

**R**equens fuit in ore Christi hæc saluatio, Pax vobis, id quod patet Ioã 20. Nã quisq; artifex lubens loquitur de opere suo facto: & quoniam Christus opere passionis suæ & natiuitatis impetrauit toti mundo pacem, ideò de illa loquitur, & illa salutatur Apostolos. Facit autem hoc ideò, vt nunc distribuat illam quàm antea impetrauit. Verbo autẽ illo distribuit pacem, & fides quæ credit verbo, apprehendit. Nã dona Christi non propterea mea sunt, quia impetrata sunt: hac enim ratione essent & Turcarũ & Sathanæ: sed quia verbo mihi distribuitur, & à me Fide acceptatur, id est, dum credo quia hoc sic est, quòd Christus mihi veram pacem corã Deo impetrauit: Si sic credidero, donum oblatum recipio, & ero & sum particeps: sin incredulus fuero, donum respicio, & nil mihi proderit. Sic maiori parti mundi non proderit Christus, eò quòd non credunt illius mortem esse vitam nostram & pacẽ. i. Cor. i. Nos prædicamus Christum crucifixum, &c. vocatis sanctis, Dei virtutem: Ideò tam maximè vrgent Euangelistæ & præ omnibus exigunt Fidem in Christum ppter distributionẽ. Distribuit

tribuit ergo Christus nobis omnibus cum Apostolis suam conquistam pacem, in verbo illo, Pax vobis, Modò & nos credamus, & illam acceptemus.

I.

Christus est nobis pax contra tria, scilicet legem Moysis, peccatum, & mundum: in his tribus conscientia, conscientia dico, habet pacem propter Christum. Primò, inquit Apostolus ad Eph. 2. Ipse Christus est pax nostra, scilicet contra legem & Moysen. Lex enim urget & angit conscientiam, terret & exigit obseruantiam præceptorum vtriusque tabule, & maledicit ac dam-

Exod. 20.

Deut. 27.

mnat omnes transgressores, quò fit, vt conscientia angustiatur & damnetur per legem, quam nunquam seruauit, occiditur, & in bello relinquitur per legem conscientia: nam quis perfectè impleuit legem? Contra hanc damnationem legis, Christus est pax nostra conscientia, qui dicit, Noli desperare, sed pœnite & crede in me, Ego sum, qui Pro peccatis tuis mortuus sum. Ego perfectè & ex toto corde seruauit legem. Crede in me, & propter me imputaberis à Deo tanquam iustus, ac si legem obseruasses: non ergo resurrexi propter iustificationem tuam imputatiuam in accusatione Moysis & legis. Is est spiritus, quoniam viuificat conscientiam quam lex occidit, 2. Cor. 3. Et sic Christus à damnatione legis liberat, & conscientiam quietat: non quidè, ne fiat lex, immò maximè exigitur à iustificatis: verum Spiritus. S. adiutoriū secum confert. Si vis ad vitam ingredi serua mandata. Dilectio propter acceptum beneficium Christi seruat legem.

Matt. 19.

I I.

Christus pax est conscientia contra pressuram mundi: varia tormenta Martyrum, confessorum & fidelium legimus à Tyrannis illata, quæ cum gaudio sancti fideles pertulerunt læti & pacifici in conscientia, in-  
tus habentes consolationem & spem futuri gaudij, quod Christus impetrauit, id est, regnum cœlorum: ideo momentaneam pœnam, vel diuitias, vel honores, non curarunt. Nisi enim hanc Christi pacem in corde habuerint,

sent,

sent, Martyres non potuissent perseuerantes fuisse in tam crudelibus tormentis & varijs. Et sic loquitur Apostolus Rom. 8. Non sunt condignæ passiones presentis tēporis ad futuram gloriam. & iterū, Quis se parabit nos à charitate Dei? an gladius, afflictio, nuditas, angustia, persecutio? &c. Et Christus inquit Ioan. 16. In mundo pressuram habebitis, in me autem pacem, id est, internam cōsolationem mentis in omnibus pressuris propter nomen meum, Matthæi 5. & Luc. 12. Capilli capitis vestri numerati sunt. & Matt. 10. Nolite timere eos qui corpus occidunt, animam non possunt occidere, &c. Sic Christus est pax cordis in tribulatione p̄senti, quæ habebit finē suum, Christus autem manet in æternum. Et Ioan. inquit: Maior est Dens corde nostro, & nouit omnia Et iterū 16. ca. Tristitia vestra vertetur in gaudium. Habet & mulier pariens inter pressuram quoddam gaudium cordis, quia Deo generat fructum quod gaudium etiam lenit tormentum. Sic omnes sancti sunt, qui laborant in mundo, & c. at Christus est pax conscientia.

1. Ioan. 3.

Tertiò Christus est pax conscientie contrà peccatū. nam conscientia dum respicit peccata, illorum magnus est numerus: si bona opera, pauca vel nulla. At intrat Christus in mediū: & inquit: Cōfidite, quia ergo vici mundum: etsi peccata sunt multa & magna, abundantior tamen est gratia propter me promissa, Rom. 5. Si exigua sunt bona opera tua, noli desperare, propter nomen meum, promissa est salus, Ioan. 3. Act. 10. Non ergo propter peccata debemus desperare, quia Christus mortuus est pro peccatis nostris, Rom. 4. hæc mors non est gratis facta, nec propterea desperandum est, quia pauca bona opera fecimus: Nā salus non propter mea opera, sed propter Christum est promissa, Actor. 15. Per gratiam Domini nostri I E S V Christi credimus saluari, &c. Sic pendet

I I I.

Ioan. 16.

G 4

medius

medius Christus, vt non cum latrone malo desperemus, nec cū bono præsumamus, sed Christū vera fiducia inspiciamus: propter illū enim firma est promissio. Efficacior est sanguis Christi, quàm vel peccata mea, vel bona opera. Sic enim est Christus pax nostra, quoad peccata & quoad opera bona, vt in hora mortis in neutro horū sistamus, sed nudè & firmā fiducia respiciamus in Christum in cruce pendentem, sicut inquit Apostolus Galat. 6. Mihi autem absit gloriari nisi in cruce Domini nostri Iesu Christi &c.

3. Hęc doctrina vt maximè suavis & consolatoria est conscientia tribulata, non tamen trahenda est ad carnem, vt quis liberè velit peccare per luxuriam, superbiam, gulam, &c. eò quia gratia efficacior est peccato, aut quòd nullum velit opus bonū facere: quia propter Christum, & non propter opera nostra, donatur salus: vel quia illam salutem nec impediunt peccata, nec promouent bona opera: Absit hoc, Christus non est iustificator impiorum, infidelium, impenitentium, sed pœnitentium & à peccatis cessantium, Psalm. 50. Cor contritum & humiliatum Deus non despicias. & Lucæ 1. Et misericordia eius à progenie in progenies timentibus eum. Neque Saluator illorum est Christus, qui Fidem suam, dum vixerint, post Baptismum bonis operibus & præceptis Dei nō testantur exigit Deus necessariò bona opera & obedientiam præceptorum suorum: licet hæc non saluant, retinent tamen pacem, id est, Christum, & sunt fructus iustitiæ, quos facere tenemur ad laudem Dei atq; gratiarum actionē, Phil. 1. & accipient sua præmia ingentia, 1. Cor. 3. nam Deus ita ex sua liberali & gratuita misericordia vult compensare tam Fidem quàm opera nostra gloria æterna, et si hoc neq; Fides, neque opera nostra ex sua dignitate merentur.

CAPVT